



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

Quisnam ille sit, paragr. 1

urn:nbn:de:hbz:466:1-41878

CAPUT IV.

De loco Sacrificiū.

§. I.

Quisnam ille sit.

1. **S**acratissimum Missæ Sacrificium. Primo in Ecclesia consecrata offerri potest, & quidem olim solum ^a in hac offerri poterat. Secundo, in Ecclesia, seu publico Oratorio benedictis. Tertio, in Oratorio privato non benedicto, quod tamen ad Sacrificii usum, veluti permanenter, deputatum sit. Quarto, in loco decenti, licet profano, ab habente ad hoc potestatem; designato, qui ad sacrificium celebrandum, veluti actualiter, semel, aut iterum, seu quoties expediens fuerit deputetur.

2. Extra

^a Delugod. 20, de Euch. sec. 2. n. 48.

2. Extra hæc loca celebrare; quidquid aliqui *a* dicant, mortale erit? *b* quia res est ex se gravis, & ita judicatur ex omnium Fidelium sensu. Nulla autem incurritur pœna, saltem ipso facto, ut ex ipsis Sacris Textibus, quos aliqui, *c* in contrarium afferunt, constare poterit.

3. Excipitur tamen communiter casus necessitatis, in quo potest extra dicta loca sacrificari. Judicatur autem à *d* Doctoribus casus necessitatis. Primo, quando, aliqui peregrinantes, diu, puta per mensem, Missa caruissent, immo, & ne,

a Sotus & Sà apud Laym. mox citandi. *b* Laym. l. 5. t. 5. c. 5. n. 2. Azor t. p. 1. l. 10. c. 26. q. 8. Cœninch de sacr. q. 83. art. 3. d. 1. n. 224. Aliique apud Bonac. de Euch. disp. 4. q. ult. p. 9. n. 10. *c* lidem citati aliique apud ipsos. *d* Delugo de Euch. disp. 20. sect. 2. n. 48. Fag. 1. Eccl. p. 1. 3. c. 13. num. 4. Pasqualig à dec. 166. March de ord. tr. 3. p. 3. c. 9. n. 11.

ne, in solemnioribus festis, eadem carere cogantur. Secundo, quando est magnus populi concursus ad Imaginem miraculis coruscantem: vel quando multi conveniunt ad solemnitatem, & non capit eos Ecclesia. Tertio similiter in Castris, pro militibus, & in littore pro navigantibus. Potest enim in his, similibusque occasionibus, vel juxta Ecclesiam, vel intra ipsam, etiam dirutam, vel sub die, sacrum fieri. Quod si adsit Ordinarius, fiat cum ejus licentia: si non adsit, non est de ea laborandum, cum ipsa necessitas illam sufficienter tribuat; semper autem exigitur Altare, in quo superponatur Ara sacra, cum ceteris necessariis ornamentis, ut hic, & in consequentibus, supponimus.

4. Posse in navibus, præsertim grandioribus, etiam dum navigant ex licentia Pontificis, docet Delugo. ^a At vero sufficere solam Episcopi

^a Delugo ib. sect. 3.

scopi licentiam, Coninch *a* negat,
affirmat Granado, *b* inclinatque
idem Delugo. Omnes probabiliter.

§. II.

*De Episcopi potestate circa locum
sacrificii.*

§. **N**on est difficultas, quod, ad
Episcopum, vel altio-
rem Prælatum pertineat consecrare, &
benedicere Ecclesias, vel Oratoria
publica (Oratorium publicum pu-
to etiam illud, in quo sit janua pri-
vata affixa domui alicujus sæcula-
ris, si ad sit alia janua exposita pro
omnibus) sed solum difficultas est
de duobus posterioribus sacrificii
locis insinuat. num. 1. id est de
Oratoriis privatis, & de loco pro-
fano. In quibus tamen, claritatis
gratia,

*a Coninch de sacr. q. 83. art. 3. d. 1.
num. 226. b Granado 3. p. contr. 6.
tract. 14 d. 13. n. 2.*